

中國邊疆叢書第二輯

宋哲元監修
梁建章總纂

察哈爾通志

(一)

文海出版社印行

影印「察哈爾通志」前言

沈雲龍

「察哈爾通志」二十八卷，樂陵宋哲元（明軒）監修，大城梁建章（式堂）總纂。書成於民國二十四年（一九三五）乙亥六月，爲各省通志之最晚出者。

察哈爾北控蒙古，南俯中原，東鄰熱河通東九省，西拊綏遠以扼寧夏、甘肅、新疆東下之路，環視四境，脣齒相依，犬牙交錯，原爲歷代以來外族憑陵中國所必捷足先爭之地。往史所稱東胡、匈奴、鮮卑、突厥、契丹諸族，均曾佔而有之。明時，爲元裔小王子後所據，號曰插漠。嘉靖間，族酋布希駙牧其地，因以察哈爾名部，後徙帳於遼東邊外，四傳至林丹汗，侵略附近諸部。清天聰六年（一六三二）壬申四月，皇太極統大軍親征，林丹不敵，自歸化渡河西奔，歿於青海附近。其子額哲率餘衆及傳國璽來降，因卽其部編旗，駐義州，並以額哲爲元室嫡裔，封親王，位在內蒙古四十九旗諸貝勒之上。額哲再傳至布爾尼，以康熙十四年（一六七五）乙卯三月叛，清廷命多羅信郡王鄂扎，大學士圖海率師討平之，乃收其故地隸諸內務府及太僕寺，徙其部衆於宣化、大同邊外，編八旗，分左右翼，及牛羊、商都等四牧羣，均不設扎薩克，旗羣各設一總管統之，轄於察哈爾都統。自經此役，察哈爾八旗四羣，號爲內屬遊牧部，官不能世襲，事不能自專，與他蒙古之行扎薩克制迥異。迨民國

三年（一九一四）甲寅六月，以直隸省口北道所屬張家口、多倫、獨石三廳改爲張北、多倫沽源三縣，並劃山西省歸綏道所屬豐鎮、涼城、陶林、興和四縣，及錫林果勒盟，察哈爾八旗四羣，置察哈爾特別區域，以都統統治之，並置興和道。嗣又增設商都、寶昌、集寧、康保四縣，共領縣十一。至民國十七年（一九二八）戊辰十月，國民政府統一南北，改察哈爾爲行省，劃興和、陶林、豐鎮、集寧、涼城五縣，隸綏遠省，以區域狹小，乃將河北省之宣化、赤城、萬全、龍崗、懷來、陽原、懷安、蔚縣、延慶、涿鹿十縣劃入，共十六縣，說省治於萬全。民國二十三年（一九三四）甲戌五月，又析置崇禮、尚義、化德三設治局。抗戰勝利後，說治局均改縣，另置省轄市一，曰：張垣。此其疆域變遷之大略。

察省蒙旗雜處，爲邊圉重鎮，在清代有欽輔通志，宣化府志，口北三廳志，及各縣縣志，可以稽考，惜多年久失修，而改省以後，初無省志，直至民國二十二年（一九三三）癸酉八月，宋哲元主持察政時，命省政府秘書長諸城楊兆庚（鎮南）兼任通志館館長，督飭各縣，按照調查綱目，搜集材料，並禮聘一時名宿，分任纂輯，歷時一年有半而全書告成，共分疆域、物產、戶籍、執業、政事、蒙古六編，末附以大事記，顯與傳統志書體例不同，實爲近代省志開其先河。尤其宋氏等於長城抗日戰役之後，邊塞烽火之餘，而能注意修志之事，其用心之深遠，殊足令人欽佩也已。

民國五十五年三月二十八日於台北。

察哈爾省通志序

史書之作。所以紀一時一地之事蹟。以昭示來茲。有所考鑑。而爲因革損益之資。俾政教風化。得日躋於完美。非今之所謂省志者。應講求歟。察哈爾邊鄙也。改省未久。百務待興。而文物典章。無可考證。議者病焉。哲元洩察次年。即謀省志之創修。時軍興以還。兵燹未靖。盜匪災祲乘之。四民凋敝。流離失所。或以此舉爲迂闊。非當務之急也。哲元不敏。竊以爲立國之道。在有以首建規模。振其文化。考舊軌。正來轡。庶政得挈。領提綱。以求有合乎繩準。則百年大計立焉。不然。汲汲於補苴罅隙。惟苟且一時是圖。非哲元所敢出也。且一省之政務。所繫綦繁。不有以詳勘博探。彙輯成書。則地域之險夷。山川之奧衍。物產之豐嗇。風俗之淳漓。政教之完缺。稅賦之寬嚴。民生之利病。軍旅之強弱。訟獄之簡煩。凡

此榮榮大端。將何所資。以考求得失。而策其進行。況國家之治亂盛衰強弱。此屬乎一時者耳。豈得視爲長久如此。而不爲根本之圖。其能使人心固結。民氣奮興。撥亂而返治。振衰而致盛。挽弱而爲強。亦有藉乎修史者。有以匡正而倡導焉。豈尋常事物。可同日語哉。爰設通志館於省府右。禮聘一時名宿。任館長總纂分纂職。飭省垣廳署及各縣分館。佐以調查。一年有半而稿具。將加以整理而付刊。喜諸君子之勤。而是書早觀厥成也。謹述其顛末。爲序如右。時中華民國二十有四年六月杪。樂陵宋哲元識於察哈爾省政府。

察哈爾省通志序

省之有志。猶國之有史。所以存文獻而昭沿革。鑑往事以肇來茲。文化基是以演進。政教緣之而昌明。自尙書左國史漢。以逮歷朝之所述。典章文物。粲然備矣。察省建治以來。志書尙闕。網羅放失。工鉅事艱。蹉跎有年。蓋難之也。宋公明軒主政於此。適當外侮憑陵。地方殘破。百度待舉。宜有未遑。乃以勤政稽戎。興廉養勇。藜藿之威既著。閭閻之力漸舒。於是巡覽山川。考詢掌故。從事纂輯。數月告成。集一省文獻之大觀。備全國方輿之曠典。甚盛事也。第維察省之於吾國。昔爲內藩。今介邊服。形勢既有變遷。措施必維遠大。舉凡兵農商學路礦牧畜。以及其他興革大政。皆應扼要統籌。分途並進。庶可發揮民力。充實國防。以備國家之緩急。顧必阨塞險夷。有圖可按。民生榮瘁。展籍可稽。物產盈虧。土宜

磽沃風氣所蔽。寶藏所存。無不瞭如指掌。然後有緒可循。有鑑可借。以之疆理。吾國則金甌之固可致。以之綢繆生聚。則富庶之道可期。推之通商惠工。勸農興學。緩急鉅細。無施不宜。昔蕭何入秦。先收版籍。房玄齡入關。先取圖書。賢哲所爭。古今一致。然則是志之作。寔爲圖治基本之模型。不得以綴點風雅之具視之也。抑有進者。察之爲省。人口財賦。僅當江南繁庶之一縣。外逼耽耽。內虞轔轔。遠大之計。誠未易言。然苟簡陋相因。不爲之所。江河日下。未知所終。今我主席求治方殷。造端宏大。誠得邦人志士一德一心。共赴艱鉅。將以筆路藍縷之精神。繼以自強不息之毅力。日計不足。月計有餘。多難興邦。容當有濟。他日繼修志乘。踵事增華。必更蔚然有可觀者。豈徒一隅之幸已哉。

國民政府軍事委員會北平分會委員
行政院駐平政務整理委員會委員
察哈爾省政務廳總參議 蕭振瀛謹撰

察哈爾省通志序

天地之機。遞嬗不已。萬物萬事。因亦日進繁孳。而不可遏抑。上古草昧渾噩。邈不可稽。迨文字作而史事興。此自然之勢也。孔子刪書。斷自唐虞。以存千古政治之源。歷代史書。即胚胎於此矣。漢司馬遷氏作史記。能觀其會通。班固氏之漢書。又斷代爲史。宏識不逮史公。而十志能詳一代之文物典章。則史公所不及。清代曾文正公國藩氏。蓋深取焉。至華陽國志諸書出。又局地爲史。由是有省志焉。有郡志焉。有一州一縣志焉。迄明清二代。其事綦盛。雖純駁不同。要因事物日增。記載不可缺。其文化日趨於普及。斷可見矣。宋范成大氏作吳郡志。以詳見稱。可爲楷模。蓋有不能強求簡者在焉。而明之康海氏武功志。韓靖邦氏朝邑志。則第以簡相矜。而體要條理無可法。名簡而實濫。吾無取焉。此當爲

識者言之耳。夫所貴乎志乘者。應時代之所需。事事物物。能存其真。使後世得因革損益之資。有裨於政教風化耳。察哈爾地處邊陲。改省既晚。而政治教化。與夫文獻可徵者鮮焉。歲甲戌。樂陵宋公明軒。治察次年。有事於全省通志之作。蓋於兵燹盜匪旱荒饑饉之餘。汲汲而爲此。洞見政治本原。有資乎文化也。公之爲政。能見其大。不矜一時之小效小譽。而從容以致於大和。他皆類此。爰設館任其事。以省府楊祕書長鎮南兼館長。禮聘一時名宿。分任纂輯。謬以建章領總纂席。夫察省前此無志書也。清乾隆間所著之口北三廳志。去今將近二百年。其時地方事務簡甚。張北六縣。尙未設。其舊宣府所轄十縣。初屬直隸省。今始畫歸察。雖間有縣志。亦久失修。其近而可考者無幾也。受命於地方多事之秋。秉筆於期限迫促之日。歷時雖一年有半。而徵材不過七八月。蓋初值

地方殘破。人民流離。百務衰歇。不堪據以入志也。迨施政半載。稍稍安集。然後探訪成書。不詳不備。誠所難免。然賴省內外各機關。及探訪諸君子。從事勤敏。所得乃出望外。若夫察省形勢。南據叢山複嶺。寶藏廣儲。北控高原。蒙古之畜牧繁殖。復多鹽產。富源具焉。河流雖無巨川。而可引渠灌田。泉源遍伏。有以開鑿足防旱荒。興大利。土質雖不盡膏腴。而森林果木。百穀菜蔬。皆足培植。視內地無多讓。士知向學。而尙純樸。人民習勤。風俗儉而爭訟稀。工商業未大興。而有資料供製造。凡此諸大端。皆足以有爲者。視人事有盡否耳。夫人事之得失。恒隨政治之良否爲轉移。孟子謂諸侯之寶三。曰土地。曰人民。曰政事。近代學者。以國家成立三要素。亦曰土地。曰人民。曰主權。與孟子之說隱合。政事者。所以行其主權也。茲書以此三者爲經。而以各事分隸之以爲緯。爲卷約三十。而

脈絡相銜。不啻一篇書也。此三者苟缺其一。不可以爲國。亦即不可以爲省。又遑論其文。此有賴於在位者。與全省士庶。共負其責。保此三者。以期可大可久。而爲國家之屏藩。以自強不息。此作者之深旨也。以才學之淺疏。與時會之迫促。間有不能適如所期。邊地購書難。可資參考者寡。疏漏謬誤。亦有不免。實有望於邦人君子。加以匡正修補焉。時中華民國二十有四年六月。大城梁建章識於察哈爾省通志館。

察哈爾省通志序

昔孔子稱述而不作。信而好古。故春秋之作。多取材於魯史。蓋非作之難。所以創作者實難也。察哈爾蒙旗雜處。爲國邊圉。改建行省。甫及八年。遼金元聲名文物之盛。已多文獻無徵。清代畿輔通志。與宣化府志。口北三廳志。及各縣原有縣志。雖已具方志規模。然自改步以來。疆域之變遷。政教風俗之因革。有不可同日而語者。况一省新設。可無志以備外史之掌乎。二十二年秋。樂陵

宋公自長城罷戰。還主察政。於勞來安集之暇。抱修文偃武之心。倡議創修省通志。延聘梁式堂先生爲總纂。呂劉余韓仵諸君爲分纂。命余以省政府秘書長。兼任通志館館長。期以一年出書。二十三年一月開館。余即督飭各縣。搜集材料。陸續陳報。惟時間匆促。採訪或難完備。幸梁總纂與各分纂。黽勉從事。不

敢憚勞。一年有半。而全書告成。典冊高文。信今傳後。俾余之重負。得以釋然。作始也簡。將畢也鉅。斯之謂矣。夫國家值多事之秋。而欲計日以圖功。則其時難。邊區瘠土。兵燹屢經。財力諸感不足。則其地難。然而羣策羣力。慘澹經營。以底於成。在人則不畏其難。諺有之。天下無難事。良有以也。余不敏。得從諸君子之後。宏此遠謨。故謹識數言。述其始末。以言職責。亦周官會政致事之意云爾。中華民國二十四年六月。察哈爾省政府秘書長。兼通志館館長。諸城楊兆庚序。

察哈爾省通志目錄

卷首

序一

序二

序三

序四

凡例

調查綱目

修志姓氏

全省圖

卷一 疆域編

疆域編之一 幅圓 沿革說 沿革表

卷二 疆域編

疆域編之二 萬全 蔚縣 宣化 張北

卷三 疆域編

疆域編之三 延慶 懷來 陽原 涿鹿 懷安

卷四 疆域編

疆域編之四 龍關 沽源 赤城 寶昌 商都 康保 化德設治

局 崇禮設治局 尚義設治局

卷五 疆域編

疆域編之五 隄壩 橋梁

卷六 疆域編

疆域編之六 溝渠 土質

卷七 疆域編

疆域編之七 交通 氣候

卷八 物產編

物產編之一 動物
水族 家畜 爬蟲 野獸 昆蟲 野禽 植物
百穀

卷九 物產編

物產編之二 植物
瓜 蔬 花果 百草 木材 菌類 藥材

卷十 物產編

物產編之三 鑛產

金類 煤類 石類
其他鑛產

卷十一 戶籍編

戶籍編之一 村莊戶口 萬全 蔚縣 宣化 張北一三五區

卷十二 戶籍編

戶籍編之二 村莊戶口 張北二四兩區 延慶 懷來 陽原 涿

鹿 懷安 龍關

卷十三 戶籍編

戶籍編之三 村莊戶口 沽源 赤城 寶昌 商都 康保

卷十四 戶籍編

戶籍編之四 堡寨